



**BOSNIA AND HERZEGOVINA**  
MINISTRY OF FINANCE  
AND TREASURY

Na osnovu člana 61. Zakona o upravi ("Službeni glasnik BiH", broj 32/ 02 i 102/09), a u vezi člana 16. Zakona o finansiranju institucija Bosne i Hercegovine ("Službeni glasnik BiH", broj 61/04, 49/09 i 42/12) i člana 16. Zakona o budžetu institucija Bosne i Hercegovine i međunarodnih obaveza Bosne i Hercegovine za 2013. godinu ("Službeni glasnik BiH", broj 100/12), Ministar finansija i trezora donosi

**PROCEDURE**  
**o prestrukturiranju rashoda budžetskih korisnika za 2013. godinu**

**I**

(Predmet Procedura)

Ovim procedurama utvrđuje se postupak i način prestrukturiranja rashoda budžetskih korisnika u okviru ukupnog iznosa odobrenog svakom pojedinom budžetskom korisniku u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2013. godinu.

**II**

(Postupak i način ostvarivanja prava)

Budžetskom korisniku Ministarstvo finansija i trezora može odobriti prestrukturiranje rashoda unutar ukupnog iznosa odobrenog u Budžetu 2013. godine za tog budžetskog korisnika.

Prestrukturiranjem rashoda budžetskim korisnicima se ne može povećavati pozicija 611100 – Bruto plate i naknade, osim u slučaju donošenja posebnih odluka Vijeća ministara koje se odnose na zapošljavanje.

**III**

(Sadržaj zahtjeva za prestrukturiranje rashoda)

Zahtjev za prestrukturiranje rashoda sastoji se iz dva dijela:

1. Obrasca zahtjeva za prestrukturiranje rashoda i
2. Obrazloženja.

#### **IV**

##### **(Obrazac zahtjeva za prestrukturiranje rashoda)**

Obrazac zahtjeva za prestrukturiranje rashoda nalazi se u prilogu ovih Procedura i čini njihov sastavni dio.

#### **V**

##### **(Obrazloženje zahtjeva za prestrukturiranje rashoda)**

Obrazloženje zahtjeva za prestrukturiranje rashoda sačinjava se u pisanoj formi i sastoji se iz dva dijela. Prvi predstavlja sveobuhvatnu analizu kojom se objašnjava zbog čega je došlo do potrebe prestrukturiranja rashoda, na analitičkim kontima, a drugi dio predstavlja projekciju trošenja u narednom periodu uz potrebna pojašnjenja ponuđenih predviđanja.

#### **VI**

##### **(Odluka o prestrukturiranju rashoda)**

Ministarstvo finansija i trezora BiH prilikom razmatranja zahtjeva za prestrukturiranje rashoda vodi računa o provođenju politika, koje su se utvrđene za pojedine vrste rashoda.

Nakon izvršene analize Ministarstvo finansija i trezora BiH donosi odgovarajuću odluku (da li prihvata zahtjev u cjelosti, djelimično ili odbacuje) i o tome obavještava budžetskog korisnika (podnosioca zahtjeva za prestrukturiranje rashoda).

Ministarstvo finansija i trezora može odobriti prestrukturisanje rashoda budžetskom korisniku samo jednom za fiskalnu 2013. godinu, osim u slučaju kada se prestrukturisanje rashoda vrši na osnovu posebnih odluka Vijeća ministara.

#### **VII**

##### **(Promjena operativnog/dinamičkog plana budžetskog korisnika)**

Prilikom donošenja odluke o prestrukturiranju rashoda, Ministarstvo finansija i trezora BiH izvršiće potrebna umanjena po ekonomskim kategorijama operativnog/dinamičkog plana u Informacionom sistemu finansijskog upravljanja (ISFU) u mjesecu u kojem se donosi odluka.

Nakon prijema odluke o prestrukturiranju rashoda budžetski korisnik je dužan izvršiti potrebne promjene u operativnom/dinamičkom planu u skladu sa Instrukcijama o načinu izrade operativnog plana za izvršavanje Budžeta institucija BiH za 2013. godinu i o načinu praćenja programa posebne namjene broj 05-02-1-10077-2/12 i iste dostaviti Ministarstvu finansija i trezora na dalji postupak.

#### **VIII**

##### **(Dostavljanje)**

Ove Procedure dostaviće se svim budžetskim korisnicima i objaviti na web-stranici Ministarstva finansija i trezora Bosne i Hercegovine i iste će se primjenjivati na sva prestrukturiranja rashoda budžetskih korisnika u okviru ukupno odobrenog Budžeta institucija Bosne i Hercegovine i međunarodnih obaveza Bosne i Hercegovine za 2013. godinu.

**IX**  
(Završne odredbe)

Procedure stupaju na snagu danom donošenja.

Broj: 05-02-1-599-2/13  
Sarajevo, 15.01.2013. godine

**MINISTAR**  
**dr. Nikola Špirić, s.r.**

**PRILOG:**  
Obrazac zahtjeva za prestrukturiranje rashoda